

Werk

Titel: Gion Cadieli

Ort: Erlangen

Jahr: 1919

PURL: https://resolver.sub.uni-goettingen.de/purl?345572629_0038|log15

Kontakt/Contact

Digizeitschriften e.V.
SUB Göttingen
Platz der Göttinger Sieben 1
37073 Göttingen

✉ info@digizeitschriften.de

Siu cor' dolur, tristezia mai pli senta,
 Mai suna pli siu mäuti fallombèr, freid
 La lira, ch'ei dasperas vid la preit.

Naven marvegl dad umens vegn purtaus,
 Che suspiroñd fan tresta tresta tschera,
 Afuns afuns en fossa vegn satrats,
 Grad en ses giuveñs dis de primavera, —
 Las remas, las pli bialas ch'el vess giu, —
 Cun el en foss'ha priu.

GION CADIELI.

Poesias.

Il triembel.

(Nach Igl Ischi, S. 120, 1900.)

Ault ell aria vid duas guttas	Cheu sestgira tschiel e tiara
Pend' el saun il tschut de Diu,	10 Tras la notg resun' il tun,
Mira cun egliadas ruttas	Ord la fossa vegn la bara,
Si encunt' il tschiel nebliu.	Tut che fui en confusiun.
5 „Consumatum“ El suspira,	Mintga plonta che suspira
„Consumatum“ El ei morts:	Trembla, plira de dolor
Sut la crusch la mumma plira	15 Ina mo ei leu che mira
E selegan ils cohorts.	Senza tema e sgarschur.

Ed a quella clom' en greta
 Il scaffider giu dal tron:
 „Pia trembla tia veta,
 20 Trembla ti e tiu affon.“

La glisch.

(Nach Igl Ischi, S. 120, 1900.)

La notg ha en sia fossa	5 Mo ina anhe terlischa
Miu vitg patern satrau.	E trembla tras il stgir.
Las glischs han gia d'urialla	„Tgei fas ti paupra flomma,
Il staunchel maun stezau.	Vul ti buc'er dormir?“

- | | |
|--------------------------------|---------------------------------|
| Jeu stundel cheu sin guardia.. | Ch'el detti novas forzas, |
| 10 Avon il tschut divin | Curascha e fervur, |
| Avon il tabernachel | D'entscheiver novas stentas |
| Jeu vegliel per scadin. | 20 Cull' alv' dil di futur. |
| E roghel il Spindrader | „Terlischia gliisch, terlischia |
| Ch'el benedeschi vus, | E trembla tras il stgir, |
| 15 Schigienti vossas fatschas | O arda cara flomma |
| Dal suadetsch stentus. | E veglias mai dormir.“ |

Ad in giuven.

(Nach Igl Ischi, S. 121, 1900.)

- | | |
|-------------------------|----------------------------|
| Tras la tgeua mar | A tiu cant sonor |
| Tia nav schluetta, | 10 Gl'echo prest rispunda, |
| D'ina notg de matg | E ti sco en sien |
| Tut che fa paretta. | Fas termagls cull' unda. |
| 5 Dal splendent azur | Ma leu, nu' ch' il tschiel |
| Mellis steilas miran, | Culla mar sunescha, |
| Tschiel e tiar' e mar | 15 Gast in nibel ner |
| Dultsch ruaus respiran. | Ord las undas nescha. |

Prest cul blau serein

Eu combatt semetta;

Gleiti eis el cheu.

20 „Dai adatg barchetta!“

Leu ora.

(Nach Igl Ischi, S. 122, 1900.)

- | | |
|-----------------------------------|-----------------------------------|
| Leu o silla riva | Al cant en marvegla |
| En dultscha umbriva | La pintga tschischeglia |
| Co eis ei plascheivel e bi! | 15 Leu teidla zupada din rom, — |
| Sper'gl ual che tschalatta, | La tschitta frestg sgola |
| 5 Delezia ins catta; | Entuorn la viola |
| Leu lessel jeu esser tуди. | Che mira leu ord il cagliom. |
| Dus pegns leu sestendan, | El mescal jeu sesel |
| L'umbriva defendan | 20 E tgeuamein vesel |
| E scrolan el vent lur tschupials: | Sill' unda, la tschitta, la flur; |
| 10 E giu dalla roma | Co tut che sesprova, |
| Il cucu che cloma, | Co tut che sedrova |
| E contan ils leghers: utschats. | D'al Segner dar laud e honur. |

Eis ti pli dirs?

(Nach Igl Ischi, S. 123, 1900.)

- | | |
|----------------------------------|--------------------------------|
| Igl ault de nossas pezzas | Perfin la dira glatscha |
| Surtrain aunc freids glatschers, | Lev' ord il sien profund, |
| E sut la cozza alva | 15 Cur ch' il solegl respira |
| Aunc dorman praus et ers. | Ad ell' in betsch sil frunt. |
| 5 Cheu dat l'emprem' egliada, | Miu cor han giuvens radis |
| Ils nibels penetrond, | Puspei er penetrau! |
| Il niev solegl sin tiara, | Miu pèz ha la speronza |
| Ord greva sien svegliond. | 20 Danovamein tschaffau. — |
| En cuort — o tgei midada — | Mo ah — gnanc ina flura |
| 10 Il mund ei en verdur, | Vul gnir ord quei terratsch; |
| Sin pradas e collinas | Miu cor, miu cor respunda: |
| Flureschan flur e flur. | „Eis ti pli dirs che glatsch?“ |

Ave Maria.

(Nach Igl Ischi, S. 125, 1900.)

- La notg svanescha,
 L' aurora crescha, —
 Il zenn cheu cloma cun tun schi clar
 Giud la collina,
- 5 Tras l'aria fina:
 Ave Maria, ti steila de mar!
- Ave Maria
 Clom' en legria
 Giu dalla tuor il zenn de miezdi;
- 10 Ave Maria
 Ave Maria
 Rebattan las pezzas leu ora schi bi.
- E cur la sera
 La notg enquera,
- 15 Audas ti aunc in niebel salid
 Leu dalla prada
 Tras la vallada!
 Ave Maria, ti Mumma d' agid!

Has buca mumma pli.

(Nach Igl Ischi, S. 126, 1900.)

- | | |
|--------------------------------|-----------------------------------|
| Sun sin fignastra tut persuls | Igl aunghel porscha siu maunet |
| E mirel or egl stgir; | 10 Per dar carin comiau; |
| Cheu vesel jeu vi tiel vischin | La mummaspertaunc datinbetsch, |
| Aunc ina glisch sclarir. | E lu vegn tut stezau. |
| 5 Leu sper la tgin' en oraziun | Leu sin santeri va miu egl, |
| Ves jeu la mumma sta; | Entscheiva a bargi. |
| Agl affont sin frunt e pèz, | 15 „Ah sventirau, rebatt' il cor, |
| La crusch ell' ussa fa. | „Has buca mumma pli.“ |

La lavina.

(Nach Igl Ischi, S. 128, 1900.)

- | | |
|-----------------------------|-----------------------------------|
| Vid il péz encadanada | Ault ord l'aria, el uss catta, |
| La lavina tut dascus | 10 Vid la spunda, ad agur |
| Schem'e plira e suspira | De noss quolms la loscha feglia — |
| Già da ditg suent' il spus. | E confessa si' amur. |
| 5 E pren mira, neu d'Italia | Cheu seschlargan las cadeinas; |
| Vegn cun forza il favugn; | Ed uss va ei senza cal |
| Ils utschals ein sia suite | 15 Cun fraccass giù dalla pézza |
| Ed in matg ha'l enta pugn. | Tier las nozas ella val. |

Il murdiu.

(Nach Igl Ischi, S. 128, 1900.)

- | | |
|------------------------------------|---------------------------------|
| Tier la crusch leu sper la via | Il murdiu l'egliada aulza, |
| Vegn in vegl, sfraccau murdiu; | Gl'utschiet ei prest daven, |
| Cun in schem sefier' a tiara: | 15 „Pera sgola“; el mo vesa |
| O tgei viver, ti miu Diu! | Il salvader vid il lènn. |
| 5 Strusch hai jeu vestgiu en veta, | „Co eis Ti nius Spindrader, |
| Au'e paun gnanc mintga di; | Ti has bein giu tribel freid; |
| Schia sai pli ditg ca viver. — | E con ditg has vid las guttas, |
| Oh savess jeu oz muri!“ | 20 Ti pituu stenschenta seit!“ |
| El marmugna e suspira. — | Vid la crusch sco cadanada |
| 10 Cheu selain udir ils pics | Ei l'egliad' dil pauper vegl; |
| Din utschi, che stedi petga | Plaun e plaun il frunt sereina, |
| Vid il bratsch dil crucifix. | Larmas roçlan ord igl egl. |

- 25 Consolau, el prest sesaulza,
 Pren sia canna, siu paup setg;
 „Tgei dei jeu, il sclav aunc plonscher
 Sche per mei endir' il retg!“

Morta.

(Nach Igl Ischi, S. 129, 1900.)

- Il vitg travers' in viandont —
 Siu cor sesaulza giubilond
 Vesend leu ora silla tumma
 La casa nu' che stat la mumma.
- 5 Leu vev' el en ses giuvens dis
 Gudiu cun ella in parvis;
 Pensiv el stat uss sper la hetta,
 Lu vid figniastra seschluetta.
- Ma oz la glisch vul buc sclarir, —
 10 „Eis mumma ti gia a dormir?“
 Sil vegl crapun il pei el fetga,
 Bufatg vid las rudiallas petga,
- Negin semova, mo in tun
 El auda giud il vegl barcun,
 15 Ord siu igniv la pintg' hirunda
 Cun schul tremblont ad el rispunda.
- Tiegl esch moy' el, leu nu' ch' igl egl
 Matern sayens spitgay' il fegl;
 Mo in falieu uss leu avdescha
 20 E mescal sin la sava crescha.
- Chen vul la tiar' sut el untgir,
 In griu schi git tschancun' il stgir:
 „O paupra mei, la mum' ei morta.“
 Dagl uaul rebatt' ei trest: „ei morta“.

Spel lag.

(Nach Igl Ischi, S. 131, 1900.)

- | | |
|---------------------------------------|--------------------------------|
| La notg, cur ch' il tachel ei sereins | 5 Leu dorm' in laghet enamiez; |
| E l' aria respira intscheins, | La guardia de tana e viez |
| La carg ina forza miu cor | Naven tegn disturbi mundan, |
| E trai mei egl uaul giuador. | Tegn tutta rusida lontan. |

Il mēscal ei cozza per mei,
 10 E l'unda che bētscha^u miu'pei
 Sūsura a mi'ell'arēgl'
 In miedi, in cant de smārvēgl.

Il malsaun.

(Nach Igl Ischi, S. 131, 1900.)

Negin sa mei pli consolar, —
 Tristezi'ei mia sort!
 Tristezia grōnda sco la mar,
 Che fui mo von la mort.
 5 Sche neu, o mort, tier mei pupratsch,
 Sil cor prest tschent' a mi
 Tiu maun schi freid, schi freid sco glatsch,
 Ch'el batti buca pli.
 Tgei tardas ti schi ditg, schi ditg?
 10 O neu tier mei, malsaun,
 E meina prest mei ord il vitg,
 Mein'or sil freid uclaun.
 E han la fossa els cavau
 Per metter en il miert.
 15 Lu anff' il tor, il cor blessau
 Il giavischau confiert.

La damaun.

(Nach Igl Ischi, S. 132, 1900.)

La notg ei satrada, naschid'ei l'aurora,
 Stai si, o human, neu prest giuadora;
 Ei glei schi plascheivel, ei glei gie schi bi,
 De far in viadi cull'alva dil di.
 5 Il tšchiel ei sereins schi luntsch^u sco ins mira,
 Odurs de dēlezia surtrain la natira;
 Merlotscha, perfinchel gia stend il culiez
 Per tei salidar dal cagliom cun ses mieds.
 Mo tgei han pomai semiau nossas fluras,
 10 Che eran schi vivas, schi frestgas antruras?
 Ed oz lain ei pender tut passas ils tgaus,
 Lur egl ton carin ei cun larmas cargaus,

Suenter las steilas, 'las certamein pliran,
 Suenter las soras leu si bein suspiran,
 15 Che han tras la notg mirau dagl azur,
 Cun ellas plidau cun viarva d'amur.

Las steilas las claras ein ussa stulidas,
 Encunter damaun ein ellas spartidas;
 Perquei lain las fluras uss pender ils tgaus,
 20 Perquei ei lur egl cun larmas cargaus.

Cheu tegn igl solegl leu or si'entrada, —
 Las fluras el vesa bargiend silla prada,
 Prest dat el camond al radi, siu fegl,
 Dad ellas betshear las larmas dagl egl.

Miu amitg.

(Nach Igl Ischi, S. 133, 1900.)

Jeu hai in bien amitg	5 Strusch sundel leu campaus,
Leu ent'il frestg bostget:	Ch'el sgola sin in tiu
Eis ei'na flnr, in lag?	E cont a mi dascus
Ei glei in utschiet.	In mied aunc mai udiu.

La davosa.

(Nach Igl Ischi, S. 133, 1900.)

La foss'ei cavada,	„Tgi dei enten quella
Schi stgira profunda. —	Spetgar la levada?
Ed ossa sblihida	15 O Segner — in nibel
Surtrai sia spunda.	Surtrai mi'egliada!“
5 Pensiv il caluster	A — vesas co'l trembla
Uss pausa sper quella;	Alzond sia bratscha,
Dal frunt culla mongia	Suadetsch d'agonia
El frusch'ina stella.	20 Springescha la fatscha.
Las retschas el vesa	Sper fossa aviarta
10 De cruschs sin santeri,	El croda per tiara,
Sper fossa aunc frestga,	Tei pauper caluster,
Siu egl stat uss eri.	Ins cheu bein satiara.“

Primavera.

(Nach Igl Ischi, S. 141, 1908.)

- | | |
|--------------------------------|----------------------------------|
| Primver' ei arrivada, | In utschì canzuns el pupen, |
| Primavera dapertut, | 10 Fa ses segls da rom, sin rom; |
| Silla spunda, silla prada, | Egl igniv ventira zuppan |
| Silla pézza, sin il mut. | Las fadetgnas dil cagliom. |
| 5 Mira leu la caglia veglia | Tgeu laghegia la viola, |
| Paradesch' el niev vestgiu, | Ord l'umbriva viers gl'azur; |
| Che il matg ord flurs e feglia | 15 Susurond beinduras sgola |
| Ha ad ella gest tessiu. | In aviul da flur sin flur. |

Stad.

(Nach Igl Ischi, S. 142, 1908.)

- | | |
|---------------------------------|----------------------------------|
| Buc in suffel — senza veta | Stgira notg eninagada |
| La natira — stauncla, meta; | 10 Dapertut ei secampada, |
| Il solegl cun fiad cametsch | Destedaus ei il malstemprau, |
| Quarcl' il frunt cun suadetsch. | Schula, tgiula tral clavau. |
| 5 Cheu sesaulz' encunter sera | Giud il tetg in dutg tschalatta, |
| Ina nebla grischa, nera; | Tun sin tun dals cuolms rebatta; |
| Gleiti ha la serasond | 15 Ils cametgs cruschentraviers |
| Umbrivau il horizon. | Ord las neblas vegnan fiers. |

Von la crusch enschenugliada
 Ur' en tema la casada:
 „Sontga Barla! sogn Tschamun!
 20 Pertgirei nus po dal tun.“

Atun.

(Nach Igl Ischi, S. 31, 1910.)

- | | |
|---------------------|-----------------------|
| Pertut tschaghiera; | La feglia castga |
| Tras la pumera | Giud stauncla frastga |
| Va'l vent tardiv. | Va a dormir; |
| Ord miez la roma | 10 Curdond per tiara |
| 5 Negin che cloma; | Canzuns de bara |
| Vids ei 'gl igniv. | Selain udir. |

Unviern.

(Nach Igl Ischi, S. 143, 1908.)

Neiv e neiv!	Prau ed èr
Tut la pleiv	E pumer
Ei da neiv curclada;	Sut la neiv suspira;
Ge perfin	10 Buc in trutg,
5 Sin tgamin	Buc in dutg
Ei 'la setschentada.	Va tras la planira.

Senza neiv
 Ella pleiv
 15 Mo in liug sengarta.
 Nu' ei quei?
 Ah-igl ei —
 Ina foss' aviarta.

Alla Romania.

(Nach Igl Ischi, S. 12, 1910.)

O viarva romontscha, o viarva schi cara,
 Ti jerta custeivla de nos perdavonts,
 Cots lessen tei ver bein gleiti en bara,
 Perfid⁵e malengrazieivels affonts!

5 Els dian, ti seigies mo donn per la tiara,
 Ins sappi el trafic tei buca duvrar.
 Risposta mi dai sincera e clara:
 „Ein nos perdavonts i pil mund a rogar?

Ha forsa buc era la mumma romontscha
 10 Tratg si ses affonts, els spigiau e vestgiu?
 Il pur, el duvrava ni'l Schuob ni la Frontscha
 Per sia casada nutrir cun dil siu.

Has ti tiu lungatg per cumprar mo e vender,
 Has fors' il magun sco idol si alzau,
 15 Has buc er in cor, il qual astga pretender
 Il sun, che la mumm'ha sper tgina cantau?“

Ed auters sestgisan: „Igl ei adumbatten,
 De: nus in chischlet, aunc sin posta restar,
 Tertont ch' il romontsch inimitgs circumdattan
 20 La pala entamaun per sia foss' ulivar.“

O quels inimitgs han negina pussonza,
 Sch'ei dat en nies miez buc in fauls traditur.
 Nos quolms de granit ein la ferma ustonza,
 Stateivel rempar per francar il futur.

- 25 Profets han daditg perdegau la doctrina
 Romontsch vegn ins gleiti negliu pli udir.
 Aunc plaida romontsch la sublim Engiadina,
 Romontschs ei il cant de Surselv'e Surmir.

E fuss ei aschia; stuess ina gada

- 30 Ord nossas valladas svanir il lungatg,
 Duei el morir en vestgiu de parada,
 Duei el morir sco in clar di de matg.

Ei vans er nies batter, ei nus buc encrescha
 D'haver sco fideivels affonts fatg il nies,

- 35 Sch'ins mo aunc sin fossa a nus recitescha
 En viarva romontsch' il davos paternies.

Dieus sei ludaus!

(Nach Il Pelegrin, S. 143, 1909.)

- | | |
|-----------------------------|----------------------------|
| Jeu stundel sin la cresta, | E brausla glisch compara: |
| Hai giudapeis miu vitg; | Da tgau entochen pei |
| La notg sut sia tenda | 15 In ner manti sgolatscha |
| Ha priu el gia daditg. | O Diu, la mort eis ei! |
| 5 E gest a mi en fatscha | Giuviers il vitg la passa, |
| Ei' n auter vitg satraus, | La geina dat in sbatt — |
| Er' sur de sias casas | Avon l'emprema casa |
| Regi' in nocturn ruaus. | 20 Mirond ell' eri stat. |
| Jeu vesel ord las retschas | Mo gleiti ella varga |
| 10 Salzar il vegl clutgè. — | Tier il secund baghetg; |
| Cheu sarva tutenina | Ils dis de mi' affonza |
| La porta dil carnè. | Viviu hai sut quei tetg. |

- 25 Gia va'la viers la porta,
 Siu bratsch gia stend ell' o;
 In griu: „Fugi!“ — Jeu svegliel —
 In siemi eis ei mo.

La pugniera.

(Nach Il Pelegrin, S. 102, 1910.)

- Giachen Tin, in pur de vaglia
 Cun funsun e bia muaglia,
 Schi bugen uonn vess giu
 La pugniera sill' Alpsu.
- 5 Sia „Steila“ envern'av'el
 Gia daditg cul meglier pavel,
 Tut dascus ser'e damaun
 Dev'el aunc in detg toc paun.
- E pilver tier la cargada
 10 Ei la „Steila“ semussada,
 Tuttas che han improvau
 Ha'la gleiti giu terrau.
- Mo cun ina „la Curnera“
 Ha'la giu empau tschavera:
 15 Quella meistra d'onns enneu,
 Ceder lev'er bucca cheu.
- Ei stuschavan e sgaravan,
 Eri stavan e miravan,
 Lu puspei cul tgau abass
 20 Empruavan sch'ei uss mass.
- Giachen stava e mirava,
 E sperava e tremblava!
 Con bugen vess el gidau,
 Cun la veglia sez pugnau.
- 25 „Steila dai!“ plein fug el cloma,
 Quella ei gia fug e flomma,
 Aunc in stausch culs corns sturschi:
 La „Curnera“ sto fugi.
- „Bravo“, fa la compagnia
 30 Giachen aber da legria
 Vess la „Steila“ embratschau,
 Sche quei fuss pusseivel stau.
- Sco il tgiet, cul sededesta,
 Aulz'el loschamein la testa,
 35 Cun sbargats, sco'l niev mistral,
 Mein'el ella tral bual.
- Giu el vitg va'l tier l'ustiera,
 Per schar viver la pugniera;
 Tard pér val encunter ca
 40 E sa quella strusch anfla.
- Tut ei stez; el fa canera;
 Prest compara la massera:
 „Tgei, ti schlamper, stuorns eist ti,
 Anflas esch ne scala pli.“
- 45 „Quescha tgeu, ti paterliera,
 Mia „Steila“ ei pugniera.“
 Balbegiond ed alvs sc'in stratsch
 Crod'el gleiti sil plumatsch.
- Ditg el cheu aunc fantisescha,
 50 Rocla vi e neu e grescha:
 „Steila dai“, e lu puspei:
 „Vin, Maria, cheu portei.“
- Plaun e plaun el secommoda
 Ed en sien profunda croda. —
 55 'Gl auter di vev'el in tgau,
 Sco sch'el sez vess giu pugnau.

Il tschanc de pardananza.

(Nach Il Pelegrin, S. 174, 1910.)

Il Toni gron havev'in tschanc:
 Il tschanc de pardananza,
 Otgonta furs er'el schi franc,
 Sco 'gl efel va ell'onza.

- 5 Ses buobs, tartgond vid il furtem,
Litgavan gia la bucca;
Mo Toni deva si in schem,
Dumbrond ils quens en trucca.
- Pussond sils pugins siu staunchel frun
- 10 Schev'el: „Quei sa ca render
De mez mazzar il tschanc d'atun:
Pilver, jeu stoss el vender.
- Duas jamnas strusch sai envernar
Cun sia carn la schenta,
- 15 Bia meglier fetsch'jeu de cumprar
Pil tschanc in sac pulenta.
- E detg e fatg! Tral vitg in di
Il vegl hermer sbargatta,
Il Toni vend' il tschanc agli
- 20 E post' in sac bramatta.
- „O bab! Cu bein il tschanc mazzeis?
La mumma oz el tunda.“
Per questa ga vus aunc stitgeis,
El ei ca grass avunda.“
- 25 La fiasta dat ei suppa lu,
Amplius cun péra tosta,
Carnpiertg e truffels e sisu
Caffé, la seit che dosta.
- Ils buobs fan tschera de rigiar,
- 30 La mumma tresta quescha;
Duas larmas lai'l ord égl mitschar,
Il bab els consolescha.
- „Tadlei, mes buobs! In auter onn
Ei'l tschanc pli grass, speronza.“ —
- 35 Gia'gl auter di van ei a Glion
Cul tschanc de pardanonza.

Ad ina rosa.

(Nach Il Pelegrin, S. 80, 1912.)

Ti vul esser la pli fina	Dai adatg! Pauc sedamonda
Dellas rosas finadina;	Per disfar bellezza gronda;
Schi ad ault sco tia frastga	Il roser in suffel scrola,
Buc in outra crescher astga;	10 Tiu vestgiu per tiara sgola,
5 Tut il di bellezza vendas	Nuot ei pli de tei, regina,
E honur de tuts pretendas.	Ch'in fustitg ed ina spina.

La stella.

(Ineditum nach dem Autograph des Dichters.)

Sas Ti eunc seregordar?	15 „Ti!“ sco lezza dei er'nossa veta
Tard er ei il temps de primavera;	Ord de tutas outras far pareta
Nus sesevan ina tgeua sera	
Sin in baun	E schi clar
5 Maun en maun.	Terlischar.“
Vid il tschiel ardevan sco candeilas	Ge, sco lezza lein er nus adina
Sigl altar dil Segner, melli steilas	Sedistinguer dalla gleut cumina;
En splendur	20 Star sisum
Dagl azur.	Dei nies num.“
10 Denter quelas tutas sesanflava	Mo alzond puspei nus noss'egliada,
Ina lunsch pli biala, che mirava	Ei la steila tutanetg crodada,
Maiestus	Per svanir
Giu sin nus.	25 Giu egl stgir.

„Co sch'ei mass fors'er cun nus aschia?“

Trests nus essan lu semess sin via

Tut de tgeu

Ti ed jeu.

30 Sas ti eunc seregordar?

La medunza.

(Ineditum nach dem Autograph des Dichters.)

„Aunc mai ei mia faulsch schi fleivla stada
 Sco 'ls meins vargai! Mo flurs la ha tschuncan,
 Che schavan pender gia lur staunchel tgau;
 Mo oz dei ina frestga gnir terrada!“